



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. D. Antonini Diana Panormitani, Cler. Reg. & S. Officij
in Regno Sicil. Consultoris, Practicæ Resolutiones
Lectissimorum Casuum**

Diana, Antonino

Antverpiæ, 1645

Cardinalis.

urn:nbn:de:hbz:466:1-41753

non exigunt, vt celebret per se, sed poterit celebrare per alium. Cast. Palau. & alij 3. p. 4. tr. 4. es. 227.

2 Si Capellanus ægrotauerit per aliquot dies, puta 10. aut 15. non obligatur ad Missas per alium celebrandas. Barbof. & alij 5. etsi Nauarra & Naldus etiam per spatium vnus, vel duorum mensium excusent. duo enim menses breue spatium sunt. Peyrin p. 2. tract. 14. res. 27. & p. 5. tr. 13. res. 51. Nisi constitutio aliqua, aut nota consuetudo obstet. p. 4. tract. 4. res. 238.

3 Episcopus non potest compellere obtinentem Capellam vt ipsemet celebret, licet in fundatione Capellæ dicatur Capellanum debere celebrare, nisi expressè caueatur à testatore, vt Capellanus per se ipsum hoc agat. Barbof. & alij 4. Hic notandum, Capellam ex se non esse sacerdotalem, proindeque simplici clerico annor. 14. posse conferri. *ibid.* res. 87. & p. 2. tr. 14. resol. 18.

Cardinalis.

1 Cardinalatus non est nisi de iure humano, vnde per Pontificem extingui posset. Sanch. & alij. etsi multi contrarium doceant. Turrecrema. & alij 11. p. 5. tr. 2. res. 2.

E 3

2 Pres-

2 Presbyteri Cardinales debent habere ætatem Episcopalem 30. annorum: diaconis tamen sufficiunt anni 22. ex sanctione Sixti V. et si Pontifex etiam minores possit assumere. Henric. & alij. Quod si esset coniugatus, sufficit quod vxor castitatem voueat, siue vetula sit, siue iuuenis. Sanch. & Pontius *ibid.* ref. 19. & 39.

3 Cardinalis, quamuis inferior sit Episcopo potestate Ordinis, est tamē superior administratione, & dignitate. Vasq. & alij 18. vnde habet ius præsentia, & sententia in Conciliis. Suarez & alij 4. imò ad gerenda negotia consilium eorum adhibere debet Pontifex, saltem ex honestate. Malder. Quando autem Pontifex vult indignū promouere ad Episcopatum, non tenentur id impedire, sed tantū sincerè respondere ad interrogata. *ibid.* ref. 1. 3. 4. & 21.

4 Priuilegia Episcopis cōcessa propter dignitatē status extenduntur ad Cardinales. Laym. & alij 5. vnde & celebrare possunt, & facere sibi celebrari vnā saltem horā post meridiem, & duabus horis & mediā ante auroram. ex Suarez & alijs. Imò & probabiliter eorum Capellani, ipsis absentibus, id possunt in

face

facellis eorum domesticis. et si contra-
rium videatur verius. *ibid. ref. 48. & 77.*
& p 6. tr 8. ref. 40.

5 In suis titulis habent iurisdictionem episcopalem etiam ad criminalia (Layman & alij 3.) vnde & priuatum carcerem habere possunt quoad familiares suos. A sententiâ tamen vnius Cardinalis appellari potest, quidquid aliqui contradicant; sed non à sententiâ Collegij Cardinalium. Azor. & alij 9. Item possunt ibi conferre tonsuram, & minores Ordines. Vasq. & alij 20. (quâuis hoc abrogatum esse per Trident. putet Sanch.) & assistere matrimonio, & licentiâ ad hoc dare. Sanch. & alij 4. Et dispensare in votis, & absoluere in casibus Episcopo concessis à Trident. *sess. 24. c. 6. de reform.* Et derogare fidei commissis ad illas Ecclesias pertinentibus. Et commutare vltimas voluntates, sicut possunt Episcopi. Imò & cōcedere indulgētiâs centū dierū. Sot. & alij 6. Possunt etiam sibi, & familiæ suæ eligere Confessarium non approbatum ab Episcopo. Suar. & alij 17. p. 5. tr. 2. ref. 7. 12. 25. 36. 5. 35. 58. 59. 61. 57. 6. & 10.

6 Cardinales in materiâ fauorabili veniunt nomine clericorum, nō in odio-

sa Barboſi. & alij. nec teneantur ſoluere decimas pro generali ſubſidio à Papa imperato. Legibus autem Pontificiis generaliter ferentibus cenſuras, vel pœnas, vti & regulis Cæcellariæ, an cõprehendãtur, alij negãt, (Rebuffi & alij 13.) alij communiùs affirmant. ſaltem in ſententiã ſuſpenſionis, vel interdicti nõ includuntur. Henriq. & alij 8. Non poſſunt tamen ingredi monaſteria monialium, propter Bullam Gregorij XIII. *ibid. ref. 69. 68. 16. 17. 46. & 20.*

7 Cardinales eo ipſo ſoluuntur à patriã poteſtate. Molin. & alij 8. Iſtis egẽtibus tenetur Papa ſubuenire. Azor. & ali. 6. Imò propter intimam coniunctionem cum Papã nõ poſſunt permittere ſibi venam aperiri ſine licentiã Papæ, vbi commodè haberi poteſt. Garzias & alij 5. *ibid. ref. 32. & 33.*

8 Si Cardinalis caſu, & non datã operã incidit in reum condemnatum, liberat illum: aſſerenti autem caſu eſſe factum, creditur ſine iuramento (Barboſi & alij) ſicut & in quavis aliã re, etiam cùm affirmat aliquid à Papa viuæ vocis oraculo factum in præiudicium tertij. & quoties deponit in facto proprio, facit plusquam ſemiplenam proba-

bati
rion
ſacr
9
ſtan
teſta
teſta
ſint
cap
teſt
tur
per
Por
alij
teſt
tu C
tud
10
dan
ſtes
ri,
9.4
do
11
cor
ceſſ
ma
run
rog

bationem; ad effectum verò iustificationis sui familiaris plenè probat. Ita sacra Rota *ibid. ref. 29. 31. & 93.*

9 Cardinales habent priuilegium testandi iure militari, 1. vt sufficiant duo testes. 2. vt possint decedere pro parte testati, & pro parte intestati 3. vt possint instituere heredem personam incapacem. Alban. & alij 5. Facultas autè testandi ipsis concessa non restringitur ad vnicum testamentum, sed semper durat. Azor. neque expirat morte Pontificis qui eam concessit. Molin. & alij 6. Vtrum tamen ex licentiâ Papæ testari possint de bonis perceptis intuitu Cardinalatus, attendenda est cõsuetudo Curix Romanæ. *ibid. 51. 53. 54. 50.*

10 Cardinales Episcopi non possunt damnari, nisi conuincantur per 72. testes, vel per 64. si solum sunt presbyteri, vel per 27. si diaconi, ex *c. presul. 2. q. 4.* hoc tamen non est in praxi, quando Papa contra eos procedit. *ib. ref. 24.*

11 Possunt sine consensu Pontificis congregare Concilium, quando id necessarium esset ad subueniendum extreme necessitati Ecclesiæ: quamuis illud tunc erit imperfectum, & carebit prærogatiuâ Conciliorum ex defectu con-

sensus Papæ. Perez. Similiter mortuo Papa, etsi non habeant potestatem Rô-
tificiam, possunt tamen, vbi immine-
ret periculum amissionis alicuius loci,
facere quascumque prouisiones, & or-
dinationes necessarias. 2. pro coercendis
flagitiis & seditionibus imponere pœ-
nas tum corporales, tum spirituales. 3.
ad eundem finem mutare quosuis offi-
ciales, etiam Gubernatorem vrbs, tam
vltra pontem, quàm citra. 4. iudicare
Papam esse intrusum, dum ipsi vacant
legitimæ electioni. Lauorius *ibid. resol.*
62. & 9.

12 Incurrunt in censuras Bullæ Cœnæ
qui insultum faciunt in domos Cardi-
nalianum ad horum ignominiam. Alte-
rius. etsi alij communiùs contrà do-
ceant. Barbof. & alij 4. Item qui eiiciunt
illos è terris vbi nati sunt, vel domici-
lium habent, etsi non exerceant ibi
aliquam legationem, aut iurisdictionem.
Bonacin. & alij 3. Qui offensionem in
Cardinalem, cùm possit, non impedit.
Alterius, & alij 2. Qui vel leuissimè eos
percutit, v.g. chirothecâ, modò ad sit in-
famia. Scortia. Item mandantes eos of-
fendi, vel offensionem suo nomine fa-
ctam ratam habentes. Peregrin. & alij.
Imò

Imò qui sciens aliquem conspirasse cōtra Cardinalem, non denuntiat, incidit in excomm. latam à Pio V. quamvis per correptionem fraternam emendatio speraretur. Bonacin. & Alterius. Ipsi tamen se percutientes non incurrunt Censuram Bullæ Cœnæ. Bonacin. *ibid.* ref. 81. 82. 88. 92. 87. 89. 84.

Caritas.

1 **P**Ræceptum dilectionis Dei obligat ut non diu differatur post adeptum usum rationis. 2. in fine vitæ. 3. aliquoties in vitâ, ita ut saltem non differatur ultra tres, vel quatuor annos. Suar. & alij 2. Quamvis alij velint solum obligare in articulo mortis. Vasq. & Sancius p. 5. tr. 14. ref. 105.

2 Ut quis teneatur alienæ salutis cum vitæ suæ periculo opem ferre, debet salus alteri esse physicè impossibilis nisi ego succurram. Aliud tamen est in iis qui ex officio obligantur, ut Pastores. Hurtad. *ibid.* tr. 13. ref. 24.

3 Non teneris cum discrimine vitæ propriæ adire, & absolvere illum, qui in articulo mortis putat se non habere contritionem, & ideo petit Confessarium, nisi fortè talis esset ita rudis, ut
vel